

*Norwegia.**Unde dicta.**Situs.**Caeli & Soli qua-
litas.**Animalium va-
riet as**Imperium majo-
rum.**Urbes & opida.*

BRITANNIA, qua potuimus fide perlustrata, sequitur in Methodo nostra Orbis Arctoi, quem Scandi-
am & Scandinaviam veteres, Officinam Gentium, & Vaginam Populorum incomperite magnitudinis Plini-
us vocat, vicinus extremo ad Boream Germaniæ littori, in tria Regna Norwegia, Suecia & Dania
multis jam sæculis distinctus. Occurrit ergo nobis Norwegia primo loco lustranda. Norwegia etymon
minime obscurum est. A Nord enim quod Septentrionem, & Weg quod viam sonat dicitur, quasi Septen-
trionis via vel Septentrionalis tractus. Hæc ad Austrum habet Daniæ, ad Occasum Oceanum; ad Ortum
Suecia, Lappiaque ad Septentrionem terminatur, a quibus excelsis & asperis montibus perpetua
nive obductis. Tractus omnis Occidentem versus scopulis acutisque petris avius est, atque etiam versus Me-
ridiem saxosus, ea præcipue parte quæ Cimbrorum Chersoneso objacet, unde 250 milliarum intervallo dissi-
det. At tractus ille omnis tam ad Occasum quam ad Meridiem Cælo mitis est, non enim mare congelatur, ne-
que diu nives durant; sed terra ipsa non adeo fertilis est, & ad suppeditandam alimoniam incolis nequitiam
par. At abundat hæc regio pecore & feris, in quibus albi Ursi sunt inusitata magnitudinis: sunt & Castores, &
innumera alia. Fuit Norwegia Regnum aliquandiu admodum florens, Imperiumque tenuit per Daniæ la-
teque per Insulas maris, donec domesticum Imperium per hæreditariam successionem administratum fuit. Po-
stea sub interregno consensu Procerum institutum est, ut Reges per electionem susciperentur. A Snibdage-
ro autem secundo ad Christiænum ultimum, Reges interveniunt 45. Est vero nunc sub potestate Danorum.
Quinque in ea in universum hoc tempore sunt Arces Regiæ, totidemque Præfecturæ præcipuæ: quarum pri-
ma & extrema versus Meridiem est Bahusia. Ei subiecta Opida, Marstrand in peninsula scopulosa situm, &
Halecum piscatura nobile; & eo obscuriora Koengef, Congel forte prope Bahus & Oddewold, nisi sit Odwad.
Secunda Arx est Aggerhusia, in cujus provincia celsissimi mali navium, & asseres querni & abiegni, lignaque
ædificiis idonea ingenti copia in Hispanias & alias regiones quotannis evehuntur. Opida huic subjiçuntur
Asloia Episcopi sedes: in primis colitur ab exteris: ob Curiam ad quam ex universa Norwegia causæ deferun-
tur. Item Tonsberg seu Koningsberg, Fridrichstad, Saltzburg & Schin, vel Schon, ubi Fodinæ Cupri & Ferri sunt,
item Hammaria major & minor, regiones olim Episcopales, nunc Asloiensis inspectioni commissæ, & sinu
Mosiano interlabente divisæ. Tertia Arx est Bergerhusia, sub ea sunt Bergi vel Berga & Staffanger civitates. Est
autem Berga totius Norwegiæ Emporium celeberrimum & horreum, Præfecti Regii ac Episcopi sedes. Ibi
Piscis ille nobilis & delicatus venditur, qui secundum littus Norwegiæ captus, piscis Bergensis dicitur, pro-
pterea quod inde in multas regiones a Mercatoribus distrahatur. Sunt ibi Vandalicarum & maritimarum ci-
vitatum famuli, qui cum ibi mercandi causa totum annum perdurent, partem unam urbis occuparunt, quam
Incolæ pontem, exteri vero tabularium suum vocant.

Portus hic etiam est optimus atq. tutissimus.
Staffanger